





卷之二

天子洪武

出為江西

并冠下是相

所編本附洪武十三年

各所傳及詳備先世從人

山則其地為舊有故

漢及所說夏商

後是不久其地亦

廣助會

並承御

為其

修室

現存

在

道

之

北

欽定四庫全書總目

自怡集一卷明劉璉撰璉字孟藻青田人誠意伯基

長子洪武十年為汝功監丞兼試監察御史

出為江西布政司右叅政為胡維庸所脅墮

井死事迹附見明史劉基傳是集為其子廌

所編末附洪武十三年國史院編修官吳從

善所作哀辭備述基從太祖起兵璉在南田

山制馭諸草竊請設談洋巡檢以靖盜盜之

源及沮沈立本媚附權臣事惟以材畧氣節

稱之不及其文章卷首載秦府紀善黃伯生

序乃稱嘗見其遇事剛果坐折姦佞不撓不
阿宜其少年銳氣盛滿于中今讀其詩顧乃
溫柔沖淡坦然有愛君憂國之至情而自視
欽然如有不足以為庶幾乎聞道今觀其詩
惟七言律詩頗涉流利圓美不出元末之格
然僅三首蓋非所喜作至于五言古體居集
中之大半皆詞旨高雅而運思深摯殆于駕
兩宋而上之以繼犂肩諸集可謂不愧其父
而明人罕稱道之者殆轉以動閱掩歟乾隆
五十一年三月恭校上

遠碧樓劉氏寫本

總纂官臣紀昀臣陸錫熊臣孫士毅
總校官臣陸費墀

遠碧樓劉氏寫本

原序

自怡集者中奉大夫江西等處承宣布政使司叅政劉君孟藻所著詩也詩凡九十四首蓋孟藻少臨事而又年三十二以卒其所著述亦多散亡故其所見止此嗚乎為士者修之于身施之于事固不假是以傳然使後之人頌其詩讀其書而尚論其世將不有賴于此乎夫在心為志發言為詩詩者言之華者也古人謂有有道之言有有德之言予亦謂有有才者之言有道者心無所累故其言和平而不迫有德者心有所守故其言典雅而不肆若夫言之美者麗如毛嫱壯如荊卿奇如

自怡集
孫吳之兵富如陶朱猗頓隨取而有長篇短韻各自名家然語其才則有餘求其本諸道德則槩乎未有也是以或失之淫或失之險怪或失之靡志得則矜以驕一不得志則怨以悻而詩病矣孟藻先中丞以宏才大略位上定天下策勛受封而且以文章擅一代之盛孟藻侍游輦下所與交者皆鴻師碩儒既而入贊考功試御史出佐大藩余嘗見其奏對詳明遇事剛果坐折奸姦不撓不阿宜其少年銳氣盛滿於中今讀其詩顧乃溫柔冲淡怛然有愛君憂國之至情而自視欹然如有不足意若孟藻非所謂有德而庶幾乎聞道者耶予在鄉

遠碧樓劉氏寫本

里辱游孟藻兄弟間及竊祿京師與孟藻侍詔闕下未嘗一日不相親也孟藻尋有江西之命而予亦侍王之國闕中別去二年而孟藻不可作矣其子廌以是編將刻諸梓屬予序之予義不得辭若夫孟藻平生大節作者述之已備茲不著洪武十三年二月望日將仕郎秦府紀善同郡黃伯生序

自怡集
遠碧樓劉氏寫本

遠碧樓劉氏寫本

自怡集

瑞粟歌序

明 劉璉 撰

臣聞洪濬判而三才之道立聖人出而天地之功成此古今不易之理也欽惟皇上奮興農畝君臨天下由武功而致文治自有載籍以來不能多見也至於躬覽庶務纖微必求其要領教誨臣下必本乎道德仁義雖勞弗倦是以皇天上帝欣得聖人克受明命以昭宣其德每於政事得失之際必顯示其情而告誡焉去年秋九月星象示異皇上惕若恐懼乾乾靡寧日新厥德以格

天心故兩浙雖被水潦而其民不敢為奸京師土木並
興而歌庶樂趨其事海內清寧雨暘時若和氣凝結毓
為嘉祥乃洪^武十年七月有瑞粟生園丘署近臣拔取
以進一莖兩穗者十有餘本一穗兩歧者數本臣謹案
緯書曰王者德浹於地則嘉禾生又曰璇星得則嘉禾
液茲非皇上敬天之至上帝降鑿之隆人事理而天道
應之驗歟臣矧日視盛事喜不能已謹獻歌一首以寓
樓蟻之忱云歌曰

秋氣佳節兮萬寶告成和風揚颺兮世雨夜零風不鳴
條兮雨不破塊皇天降福兮嘉祥以生維茲粟之茂實

遠碧樓劉氏寫本

分秀被園丘異穎同莖兮瓊粹翠英被沆瀣之華滋兮
承日月之光精猗豐年之兆兮此其有徵昭聖皇之神
德兮溥恩澤於遐荒握乾符而馭坤靈兮統百職之明
良聖子神孫兮聿遵厥緒于千萬年兮福壽無疆

松竹友人辭序

松竹友人者括蒼任惟信^氏所以自號也夫友所以輔
仁資其歲寒不渝可以振貪懦之風者舍是奚取焉然
不于人而于物遺世之情深哉且天之生材必不徒已
以惟信之抱負晦其迹而彰其德又豈能終隱者耶因
為之辭而遺之其辭曰

維山有松兮維隕有竹
樛枝構椽兮密葉如沃
避世遺榮兮情深行獨
求長友兮爰得貞卜
松有苓兮竹有實
招鳴鳳兮又已疾
投瓊芳兮俯清泠
聊逍遙兮永終日
觀飛瀑兮瀉雲玩林
阜兮夕曛山可廬
兮秫可酒吁其
去此兮伊誰與
羣雨瑟瑟兮風蕭
蕭猿鶴逝兮空林
幽懷質抱材兮將
須世用猗若人兮
胡寧久留

秋日辭

秋暑退兮涼風生
日曷曷兮雲冥冥
去鄉離家兮遠徂
征鬱結紆軫兮難
為情登高四望兮
渺茫茫天低垂兮
湖水明蒲柳衰兮
蕭瑟菱荷彫兮淒
涼思邱壠兮天一

遠碧樓劉氏寫本

涯中心悲兮莫我知
莎雞啼兮夜蟬語
星河粲兮螢火飛
援雅琴兮不成音
樹余珎兮當此時
徒倚徬徨兮夜未央
奮飛不能兮道路
長想故山兮秔稻
熟栗栗聞苞兮桂
飄香白雲英英兮
在山岡德容孔昭
兮懷哉不忘

望後舟

望後舟望不見兮生
離憂滄江濶兮路
迢永木葉脫兮知
歲秋慨幽懷兮莫
共寓歎芳華兮不
我留鄂君骨朽越
歌杳何人鼓棹乘
中流望後舟望不
見兮心悠悠

秋日旅懷七首

金風正秋令開此
肅殺原凝霜結屨
威草木同摧殘芳

華日彫落光潤歸本根豈不懷慘淒中有生意存收藏添一
理應爾貞脆馬足論曠哉白雲谷松風聽夜猿

園菊冒秋色湛露滋幽香採掇盈懷袖餌服心清涼所
思久睽違欲寄阻河梁芳英豈不美人意豈不良坐恐
光景暮于色隨飛霜

草枯邊塞寒鴻遠于飛鴻鳴在中野風霜爍毛衣客
子別故居飄搖天之涯覩此增悲愴况乃秋風時耕鑿
本吾心良農恒苦饑諒無摩天羽雲路非所宜鵬鷁各
有志豈為大小移山林仰眺景棲息惟一枝

秋風生白虹秋聲入高樹離離星難明漢杳孤鳥度夜添

遠碧樓劉氏寫本

坐不覺久道遙散余步鬢毛動淒風羅裳怯零露寒陰
日已侵芳歲聿云暮瞻言思我鄉誰與將尺素

繁林着秋霜萬樹張錦纈斜陽照郊烟霞光凝結雖
非三春暉明媚亦可悅薄暮涼風吹落葉飛不歇寂寞
為誰容寒鴉噪明月

夜靜天一色江水凝不流素月懸青冥翠色生高秋駕
言理舟楫足以散我憂虛明映空碧如在天上遊西溟
忽震蕩寒風颭颭清輝蔽層陰恍惚不可求惟聽城

頭角咩鳴在高樓

止水能燭物不流豈澄清行役雖云勞要識靜者情大

道順自然奈何苦營營倏忽竅混沌淪億由聰明支離
頤德躋乃能全其形長歌歸去來息心守吾庭

種萱

結屋南山隈愛此園田幽豈不念朝市居閒得優游春
耕既舉趾夏苗已盈疇農人復何營藝菽在高秋膏沐
仰時雨地氣生芒勾芟夷去異種旦旦躬追投籊籊曠
且完挿棘羅戈矛佇看芽茁長密葉蒨雲稠勞生愧明
時暇逸敢自休夙昔思佳言人與天地侔隨力任造化
叨養固有由甘澤天所降物產地所羞克勤匪伊始何
以望有秋胡為厭早近高遠肆厥謀瘠人以自肥返貽

遠碧樓劉氏寫本

天地憂嗚嗚竟何補適足懼愆尤書此遺同志聊以擊
壤謳

遣興五首

綠鳧水中遊白鶴雲間飛霄漢有修程烏能顧早微浩
蕩展羽翰崑邱以為期鵬鷖趨下風罽羅絕張施倏忽
萬里餘推頽不知歸空林有故巢擎霜日霏霏孤雌哺
黃口啁哳將疇依豈如戲蘋荇雙棲在漣漪

豆實生喬松成長亦匪易枝饒風飈摧葉飽霜露悴添一

此剛勁姿挺立世所異壯哉十抱圍根據依厚地秀色
凌煙霞清陰却炎熾烏雀有宿棲婁姑亦蒙芘奈何處

其下戕賊隨己意直幹為斃傾能不為身累
山中有一鬼跳踉惟短足薜蘿充衣裳椽栗代饘粥巖
崖結重陰陽光不能燭春花晝掩靄澗水秋瀆薄矧茲
入林墟慕此雞與鷲嘯梁兒童驚發藏婦媪哭上天赫
有威民怒曷可拘胡不安厥愛藏形以自玉
希仙屏紛雜遺榮處幽閒靈元固重扃鼎鑪合神丹瀨
露以為漿青松以為餐道積時亦久丰姿變蒼顏元功
一朝成飄然出塵寰螭龍將輜車鸞鶴承佩環傲晚大
霞表望望不可攀仙山有真樂何用思人間
食肉有不甘茹荼乃如薺駟馬懷德憂韋布願無泚寸

遠碧樓劉氏寫本

劉氏寫本

丹旣融通萬里諒昭洗衰榮各有定何必勞爾爾挑燈
讀我書文字浩無涖白首窮一經得祿未足善捨己以
從人園廬任荆杞憂思不能眠嘆息增徒倚

送章蘊德指揮還平陽衛

微雨潤蒸溽薰風變寒颺客從遠方來慰我久別離高
談竟終夕感舊心傷悲別來渝四載世事紛若縻公私
兩鞅輻足疲目就眇相思不可見寤寐增嘆咨憶昔出
海門萬艘總雄師平陽古堯都下車撫惇鑿堅城屹如
山謀謨出幽思吾州舊部曲字養恩如免此行復千里
后會知何期長川去悠悠白日正南馳驪駒已載歌別

意方凌其恨無羽翼翔中心誰當知英賢志功業名與
竹帛垂勗哉樹奇勳古昔猶今時深情浩難既聊寄征
行詩

舟中卽事

天風吹白雲日落山更碧理棹泛清流濯纓俯幽石悠
悠潛淵魚矯矯冲霄翮物惟各有安人生歎為客

錢唐別友人

辭家適京國泛舟浙江涌吳山一何高湖水清漣漪浮
雲從南來感我懷鄉思于時春向深草木好客姿幽禽
樹間鳴聞闕雜覺離臨岐別良友中心能不悲悽惻未

遠碧樓劉氏寫本

忍分慷慨終當辭君家住金華我居括蒼垂同舟展良
晤浩瀚陳歌詩人生無定踪會合誠稀奇君慕涯注涯馬
騰達康與遠我羨青田鶴山林自棲遲操尚雖不同意
氣深相知所貴德業隆守道識盈虧相期各勉力勿為
俗子嗤

秋霽

積雨霽郊田涼風來早秋蒲柳變冶色寒螢生暮愁明
河凝素光青山沃如浮游目睇行雲感此身世憂故鄉
不可見悵望心悠悠

馮公嶺

鷄鳴出北郭戒徒飭裝仗早發神頗疲亭午心始暢行
行涉危巔路出林木上茲嶺號馮公何年得名狀想當
開鑿初斯人通道塞障根從西北來氣是東南壯萬里生
長風煙雲中浩蕩登高望我鄉心情增愴悵役役征途
間默默幾得喪何當息塵鞅終年遂疎放

春日道中

雨收春日融衆草豐且碧和風拂輕衣飛花撲行容晴
空搖翠煙莽蒼見山色青年豈長駐感念思夙昔

隘頭山

杖策躋絕壁徒步穿遠林木葉泣清露曉氣光沈沈白

遠碧樓劉氏寫本

雲擁澗谷浩若滄溟深數峯出青翠秀色倩人心問闕
林中鳥和音奏鳴琴芬菲道傍花芳香襲幽襟適意豈
不樂但恐歲月侵越此即他鄉矯首空長吟

過湖樂站

晨策登遠林初日雲外赤川明寒波生野曠嵐霧白頷
耳聆猿狖捫蘿隨鳥跡昔年花柳場今作荒草陌冷泠
松上露冉冉如淚滴

綠陰亭詩送人之臨江府尹分韻得朱字

虞廷奏湘絃皇風被寰區萬物遂長養人情亦怡愉嘉
樹靄新綠修篁時雨餘秀色明軒牕清音散琴書臨江

繁劇地郡治崇華居煌煌京府丞出佩太守符宣恩自
幾向皂蓋雙輪朱盤根表利器長材應時須民俗既云
清文教行將數自公日多暇烏雀鳴階除旋歸儀廟堂
令器登瑤璣嘉名繼前烈以貽來者模

發清江

暮過樟樹鎮曉發清江浦遙觀閩皂山山際半積雪宿
雲散清風晴旭露初晞霏霏林煙蒼炯炯疎星沒春陽
亦昭曠江水亦澄澈歲序自推遷^馬悵也感時節即事多
所懷豈伊念離別引領望帝京丹心漫飛越

次新淦

遠碧樓劉氏寫本

柳條日以青雪消春水暖迺流何值迴又見白日晚山
光與水色取適興不淺開戶面大江凭軒見孤嶽雲端
野燒明天際歸舟遠憂來覺時遙歡去知星短安行復
飽食使我顏色覩進德思乾乾匪躬懷蹇蹇持此慰吾
心庶以善自勉

泊廬陵

彤霞炫餘暉日落川上明漾舟循水岸凝矚瞰連城樓
閣相映帶雉堞互迴縈春樹鬱蒼蒼色與暮雲平涉逕
坐孤驛華燭熒如星瑞居有餘閑庭館淒以清稍喜人
語靜又聞翔雁鳴依依越鄉感戚戚懷祿情覽詩不成

自中集
章欲語誰與聆

入萬安

崇山抱迴溪，川路漸窈深。竹樹緣高阜，洞壑隱層林。近
眺發新興，遠望暢幽心。東風若有情，雲日乍陰晴。出潛
有游鱗，遷喬多好音。芳春若堪折，請折邱中琴。

晚眺西山

山色十二時，江流數千里。亭亭青芙蓉，搖艷映江水。落
日片帆飛，遙見白雲起。逸駕邈難攀，汀洲老芳芷。

自君之出矣八首

自君之出矣，金爐煙不裊。思君如露桃，紅淚墮春曉。

遠碧樓劉氏寫本

自君之出矣，懽娛共誰伍。思君如梅子，青青含酸苦。
自君之出矣，空闌愁獨守。思君如池荷，見蓮不見藕。
自君之出矣，中心劇含梗。思君如織婦，蕭索不禁冷。
自君之出矣，暗壁虫自語。思君如羈鳥，夜夜啼達曙。
自君之出矣，蟬翼枯可燎。思君如流螢，持明徒自照。
自君之出矣，瑤瑟塵滿柱。思君如迴風，旋轉無定處。
自君之出矣，芳香銷玉體。思君如河水，堅凝直到底。

題雲林圖贈伯琛

我家昔住蒼山巔，竹樹杳藹當庭軒。有山竟日情不厭，
時與白雲相往還。邇來別家有三載，引領長望心悵悵。

豫章曹君江海客濟時久習軒岐術深情迥若彭蠡寬
逸氣遠與匡廬適偶然贈此雲林幽黛色煙光遠相逼
採芝却憶嵩山翁種杏自喜多陰功良醫良相各有志
豈與流俗論卑隆伊余蹇拙無所似好古每欲尋高踪
山中黃精倘或煮幅中短褐期相從

自書春江行分韻得春字

濃濃楊柳含嬌春落花細逐錦色鱗蘆芽出水碧玉短
沙嘴激浪蹴珠勻高檣大舸江之濱花總驕嘶踏翠首
何人解歌滄浪曲願將此水霑纓塵

將曉

遠碧樓劉氏寫本

東方未明星粲粲霜華蔽野銀色爛篙工敲火起行舟
驚雁相呼入雲漢岸迴水碧知去程荒郊似有晨鷄鳴滄一
曠曠旭日應可覩寒威不用來相仍

烈風

寒風烈烈西北起峭帆逕入長河水浪濤喧擊勢排空
雷音殷鞞恒在耳青天倏忽日西入冰懸岸石頭臍臍
泊舟沽酒澆愁腸仰面看雲空佇立

遣悶三首

天光沈陰歲將暮客子駟車逐歸路塞鴻叫入吳江雲
野鳥對立枯桑樹芒芒四顧少行人捨蒼之山渺何處

愁心如水水復凍馬得滔滔向東注
東風吹雲不作雪瀟瀟兩聲中夜發孤舟泊在荒江濱
破蘆為篷漏不歇衾裯霑濕寒如水骨縮筋攣哽嗚咽
天將憂戚玉汝成杜叟之歌漫愁絕
陰陽運轉無停機平分四氣天河思春宵苦短冬苦永
韶華樂事恒參差非關時序故乖異人生離合不可期
高堂晏寢有餘暇奔波道路應爾思

自武陵至丁郭舟中雜興八首

舟行淹宿雨稍霽汎通川深霧羣山沒長天曠野連桃
間榆葉小麥秀菜花鮮漸喜昇平象高飛見紙鳶

遠碧樓劉氏寫本

澤國何迢遞春深興轉幽日晴依水岸村舍傍河流纜
拂花枝裊帆將樹影稠何年來此地長日駕扁舟
晚來風勢歇又見日臨曛遠岫留綴彩疎星耿薄雲波
流碧月動舟過鏡天分何處危樓上歌聲靜夜聞
寂寞空江上漁舟起暮煙明湖天際濶落日霧中圓宿
鷺毛衣潔歸鴉羽翼聯故山千里隔悵望一凄然
天風收宿霧齊景曉澄明青晝晴空出紅看旭日生遊
魚翻浪短乳燕掠泥輕袞袞春還半應漸隱適名
今宵天上月應照故鄉春桂影生圓魄蟾光隱半輪盈
虧知有定離別最相親萬里清輝遍偏驚旅泊人

重到昔遊地茫然感去途高原深蔓草沃野浸平湖水
潤蛟虬橫山空鳥雀呼淒涼今古意落日片帆孤
京華行漸近喜色上愁顏風定舟初隱天清水自閒披
衣當暖日散髮對青山去去知何日遊人從此還

舟中過雨分韻得舟字

逆浪隨風白陰雲覆客舟雨聲生滴漉波面點浮漚昏
黑山藏樹蒼芒蜃結樓高吟見真趣何必問離憂

錢唐遣懷

江風吹浪雨冥冥雲暗春山霧壑城箭鏃不隨錢氏沒
黍苗遂向宋陵生海門潮擊千年恨漁浦帆開萬古情

遠碧樓劉氏寫本

昔日繁華總祖謝蒼茫流水亂蛙鳴

回至衡州寄吳則敬

滿地風塵又暮秋昔遊唯見水東流蕭蕭木葉迷行跡
濯濯江花帶別愁元亮歸山非愛酒仲宣懷土莫登樓
別來恐有思親夢飛過三山白鷺洲

次韻瓶中紅梅

冰肌天賦玉圍圍誰染丹英比木難不共小桃爭艷冶
自陪修竹報平安瑤池隊裏春風細紫塞聲中夜月寒
折向胆瓶看未足一枝還插竹皮冠

再題虎印

虎邱山倚闔廬城壯觀東南久擅名聳壑煙霞連海氣
凌風樓閣下經聲劍池石冷秋涵月塔剎年深地集靈
尚想延陵吳季子寥寥千載不勝情

草軒

春來草自青鷓鳴芳復歇長嘯山中人披襟弄明月
池塘清夢覺詩思一何濃欲識東君意閒庭煙雨中

漫成二首

暖日融風管發生柳條爆眼麥青青化工辛苦先施設
臘底春前見此情

落梅遇雨委滿地辛夷數株花已齊不須爛漫競春色

遠碧樓劉氏寫本

桃樹李樹根成蹊

天下寓錢唐送友還鄉二首

送西東朴著雨林林

一雨生涼渾似秋羈人已起望鄉愁君歸我住情何限

石月相思月滿樓

扁舟此日信歸風海上潮生夕照紅送別何須重回首

枯山遙在碧雲中

扇面小景

遠岫凝風翠欲流綠陰深樹晚悠悠抱琴坐石忘歸路
流水高山興最幽

登白塔寺有感二首

廢園頽垣曲徑微亭臺舊跡尚依依
惟餘野雉憐岑寂
荒草叢中作對飛

昔人臺館此山隅
風舞龍飛列帝居
二百年來幾惆悵
人間何地覓華胥

松溪放舟圖

蒼松數株葉如帷
影落滄波紫翠間
想得遊人清賞後
扁舟載月夜深還

送僧遊方二首

天下車書已混同
又任孫南北與西東
休教暮雨孤村夜
却使家山入夢中

遠碧樓劉氏寫本

匡廬華頂一躋攀
心地開明眼界寬
記取當時好山色
還家寫作畫圖看

舟中漫興六首

兩岸青山插劍鏗
一灣碧水引流長
蘆槩却過深蔚處
棲禽飛起一隻雙

溪上茆廬山上田
長松翠柏復森然
老農自得生涯樂
閒共行人說往年

漠漠平林漫漫沙
數聲鷄唱有人家
停舟最愛山頭月
照見寒梅一樹花

好溪溪水鏡般清
流盡人間無限情
幾日望家今已近

潺湲不是隴頭聲

白露濛濛不見山
輕舟一葉下危灘
亂石堆中尋故道
不獨崎嶇行路難

少微山上王高士
結屋號作神仙居
山空夜寂何所事
皓月一天歌步虛

登白雲山

白雲山上樹層層
萬里秋空入眼明
我着芒鞋看畫壁
山僧相見不知名

寧國道中

綠樹陰陰生夏涼
翠筠解箨淨如霜
羈魂漫逐愁雲去

遠碧樓劉氏寫本

遠水他山更斷腸
過丹陽湖二首

數朵青山迷遠黛
一行白鷺下汀洲
孤帆影落長天外
蘆葉蕭蕭滿地愁

碧樹彤霞錦繡中
扁舟搖颭芰荷風
多情惟有如弓月
照見離人兩鬢蓬

登西巖寺東益上人

雲抱青山深復深
日融清露滴幽林
烏啼樹發春如許
試問高人身內心

白圓扇

自怡集
團團明月比容輝
浙浙秋風想翠微
莫遣塵埃悲篋笥
可人還憶暑涼時

雙溪八景八首

溪流遠抱滄波合
山勢中分碧樹深
雨後晴初最堪賞
風光役盡百年心

右雙溪清漲

山枕清溪寺隱山
暮雲深鎖暮林煙
近來渾忘登臨興
閒聽鐘聲落枕邊

右古寺鳴鐘

春日逍遙湖上行
東風飴蕩若為情
却憐柳絮隨風舞

遠碧樓劉氏寫本

又見荷錢貼水生

右湖邊杖屨

網得鱸魚上釣舟
芻米濁酒滿菟甌
晚涼倚杖觀流水
更有新詩樂倡酬

右溪畔行吟

膏雨冥濛滌凍塗
杏花深處鳥相呼
東郊蓑笠勤農事
好遣良工績作圖

右春郊耕雨

茅蘿山下女兒嬌
回首吳宮恨未消
獨立西風綠底事
郊壟空是逞妖嬈

右秋浦浣紗

堤樹無風蔭綠波游魚隊鏡中過惟應赤鯉乘桃浪
夜半飛騰奈爾何

右魚游潭樹

蒼嶺雲深欲度遲蕩山秋暮亦堪悲近時未黍蕭疎盡
莫向溝塍圍飽飢

右雁聚平沙

自怡集

遠碧樓劉氏寫本

附錄

故參政劉君孟藻哀辭

序有

孟藻姓劉氏諱埏氏為處州青田人皇贈永嘉郡公諱

燦之孫故御史中丞護軍誠意伯之家子也由考功監
丞歷試監察御史為江西等處承宣布政使司右參政
積階至中奉大夫年三十有二以疾薨于位孟藻為人
敏慧警穎讀書二三過輒成誦終其身不忘警齡中即
嶷然狀成人習詩文操觚立就屬元之季所在盜起中
丞仰觀俯察奮從真帝子大江之東為之發縱指示謀
不出帷而制勝千里笑無遺策用能剗平羣雄混一四

海定功受封為開國之位當是時也孟藻獨將家屬處南田山中南田左右故草竊根據嘯聚不以時忘中丞任事將禽獮之乃偽為服屬而圖肆毒螫于陰孟藻潛覺馬撫其豪酋結以忠義或委以利或揚以威或劫制其要害咸就規束莫敢動中丞之舊故姻戚與凡待下之眾孟藻固不人得其歡心待中丞若嚴父夏曰屏氣息慄戰于股退見孟藻如陽春由是山谷無間遠邇賢不肖惟孟藻是附孟藻亦各有以處之不素毫與髮及中丞之請老而歸也天子念其勲伐欲數得問勞孟藻以一介行李往來于京者不憚六七至時燕見于上

遠碧樓劉氏寫本

類家人父子俯伏陳對詳簡中宜上嘗子中丞言曰伯温有子足^以剗贊春宮矣于是廷臣自宰輔而下鮮不器孟藻者初甌括之間有地曰談洋負險而遠又界于閩無賴倚為窟以私販負軍戎徒役遁逃不啻淵藪中丞病之入朝以為言請置巡檢于其地上從之執政權臣以出不由己為愧會中丞歸遣孟藻達封事言郡縣不法者上軌私行焉而孟藻又不先以闕白執政執政滋怒因是以隙欲構入其罪賴天子明聖孟藻得無隨坐時洪武六年也七年中丞復朝京師孟藻實從上數欲官孟藻中丞辭遣之中丞既薨九年冬十月皇帝上緬

元象概欽天之失職命御史賈詒謂孟藻今上其父所
著觀象玩古等書及天文諸家言孟藻已滕藏石室悉
取送官仍走謁于帝奏曰臣先臣基當屬鑿時昇臣把
書入獻無失其業臣遵治命謹以鍼閉無泄俟服闋上
今已送敢昧死以聞上嗟嘆良久乃曰卿忠孝具著
宜留事朕孟藻叩頭嗚咽以未禫為請詔許歸終制賜
鈔三十貫皇太子召賜倉更贈五十貫勉諭彌厚十年
夏六月既釋服遂拜考功之命考覈當其可稱厥職以
謹勅見褒于上故不越年而超佐藩聞將有大任焉十
二年出刑部尚書沈立本為政布使立本素諳附權臣

遠碧樓劉氏寫本

至官即求所以媚之之事孟藻字持不可立本屢勸以
危言欲脅制孟藻怒曰吾廷受帝命參政江右知添二
報國而已他所不恤何有于使哉發憤得疾六月某日
終于公署訃聞天子為之震悼輟視朝遣使弔問親御
宸翰為文祀以中牢嗚呼孟藻與余為通家有兄弟之
好余齒差長每班孟藻上暨余忝京官孟藻之來實主
于余可否必籌飲食必耦寢必同席余汨于公事若沐
漆孟藻多憐余之色余後歸田里得與孟藻會者僅四
五而孟藻逝矣孟藻性和易見幾明決難待人無忤而
內懷剛正動率循律于非義際毅然有不可奪之節余

意其當柱石斯世康濟兆民吳曰弼守文之君為股肱
心膂以享有太平孰謂遽止于斯乎人之生患于無才
有才患不見用既用患不能顯而得君以行其志今孟
藻才已用于時尊且顯矣忠知于君而澤加于人矣家
為賢子國有良臣保有名爵正而贊焉生榮死哀尚何
道哉雖然余於孟藻其能忘情否也孟藻之子為以喪
歸余適在溫郡不得撫其榑哭諸野比葬又弗克執紼添一
以窆悲可勝既耶追憶曩時作辭以哀孟藻且書遺其
弟仲景俾為刻諸冢上其辭曰
南田萑萑兮武陽崔崔孰儲其精兮生賢孔才猗彼永

遠碧樓劉氏寫本

對對隱居寫本

嘉兮乃先厥聞奮興邇運兮龍乘于雷良平其勳兮文
驅鄒枚克裕而後兮有植必培嗟嗟孟藻兮棟梁之材
辭華蔚充兮如瓊如瑰又多藝得兮既美且思無纖無
洪兮衆善畢該結知主君兮厥轂乃推朝登金門兮莫
躋金臺啟沃既良兮夔龍我陪帝瞻豫章兮江西之隈
曰茲庶務兮汝佐其裁繩愆懲疏滯兮澤被一垓方期顯
庸兮陟子司台若和鼎羹兮以鹽以梅曷尸大魁兮亟
畀之災氏之無依兮西山云頽其志則誼兮壽齊于回
有子與榑兮載號而哀鬢如其封兮松柏是栽據情託
辭兮以世余哀琢之貞珉兮示于方來嗟嗟孟藻兮嗚

呼哀哉洪武十有三年歲在上章涪灘冬十月戊午朔
 前翰林國史院編修官同郡吳從善製文長卷蘇蘇
 并文是亦三無於色也山在脚共去浪取台壽養古
 無台也古何台道唯鼎是台如盤地餘海入去改台五
 口皆為發台也與長清地動版輞台朝餘味魁云陶陽
 離金靈地好取是台更誰非新地魏養章台云西云明
 好台養善事願故吹主在台滿地以非陳第免開台吳
 積善德有台吹氣唯聽及是善靜台政善長吳善慶與
 邱猶地動而好台在蘇州越知知孟系台林米三林
 壽台云長無開奮與暇取台積氣云雷身平舟駕台文

遠碧樓劉氏寫本

呼及我洪武十有三年歲在上辛涪灘冬十月戊子朔
前翰林國史院編修官同郡吳從善製文

德若樓劉氏寫本



